

竹谿縣志

卷土  
之十一

竹谿縣志卷之十一

明 列女

羅氏愈慶妻李氏慶子騰妻也慶卒羅年二十六撫遺孤騰騰長補邑庠生娶李氏未幾騰亦卒李盡心事姑誓不改節羅歿殯殮如禮一門兩節鄉里異之

張氏生員楊鼎妻鼎早卒張苦志勵節疏水素布動遵禮法四十餘年撫院旌之曰貞節

尤氏楊仁妻鄒氏仁子舜高妻也仁死時尤年二十遺孤甫三歲辛勤鞠育以至於成人爲娶鄒氏年餘生一子舜高亦死

竹谿縣志

卷十一列女

一

鄒亦撫孤守節姑媳相依貧甚日事女工以供菽水苦節三十餘年隆慶五年巡撫汪奏聞旌表

黃氏歐陽元繼室琳母也元任甘州衛經歷殫心守政陞無爲州同知途遇島賊舉家被害黃抱琳被箭未死匍匐告官給引歸櫬時黃方二十四歲堅心撫孤辟纊度日苦節四十餘年縣令周繼文旌之以額曰撫孤遺節陳希歐復旌之曰嚴慈中節

景氏郭大美妻也天性貞淑事姑王氏曲盡孝敬一日嬰風疾仆地值美他往景以口度湯藥者數次姑賴以安後美死守

志不二移榻就姑朝夕事奉不怠姑卒乃伏姑痛哭於旁而死邑令陳希歐書痛姑殞命額以旌之

張氏生員田大濟妻家貧績紡供濟肄業濟死張年二十七賣衣以葬獨守破屋一間勤女工以教子教諭田秋月給俸米以卹之

熊氏賈如桂妻隨母劉氏居蜀中劉病篤熊乃顛天割股作糜以食母母頓愈夔州太守賜額曰淑孝仍移文竹谿以旌之

國朝

章氏會稽人竹谿縣典史張廷芝妻順治三年隨夫赴任時夫

竹谿縣志

卷十一列女

二

前行宿於馬鞍寨川寇大至居民欲逃氏脫簪珥犒眾以守見力不支囑同處婦曰煩告我官人今生不相見矣宜善自愛俄而寇大至氏立解佩刀先刺幼子曰毋爲賊辱卽自刎賊眾見之咋舌而去

舊志

曹女邑令曹公席珍女康熙十三年吳逆餘孽楊來嘉謝泗率眾數萬攻谿女年十五從父登中峯寨避難寨破曹公被執女懼辱墜岩死至今俗呼爲捨身巖

向氏生員汪汝楫妻楫死向年二十遺孤世楨甫四歲父母見共年少無依欲奪而嫁之向誓不從堅志撫子四十餘年邑

令黃暉烈旌之曰栢舟堅操

周氏楊炳妻年十七歸炳六年而寡家貧以針紉績紡事舅姑孝養甚至侍舅姑病累月不懈夫歿時有一弟幼釋氏撫之至於成立授室焉守節四十一年年六十四歲乾隆二十二年奉

旨旌表

汪氏生員敖士倬妻夫亡氏年二十五奉翁姑以孝聞子琨名列膠庠苦節四十餘年

吳氏劉成妻夫亡時年二十有五遺一子相繼亡氏疏水布素

竹谿縣志

卷十一列女

三

苦節五十餘年

劉氏甘樂妻夫亡時年二十堅貞自矢撫子文炳成名炳復先亡繼姪文魁爲嗣教養備至

馮氏李召賓妻夫亡氏年二十有四遺子女各一家無擔石紡績度日子珪未弱冠名列膠庠一切婚嫁皆十指所出未幾子女相繼夭歿茹蘖飲冰苦節四十餘年

薛氏本董姓女四月母亡撫於薛年十七適民人李作棟甫三歲生一女夫亡其姑及嫂憐其少艾無依勸之嫁氏泣曰夫死無子命也姑老女幼忍言再醮乎越年餘嫂復執前說氏

艷然曰奉姑撫幼以成夫志縱姑老女嫁吾豈可以他適乎  
迨姑歿女嫁卒無悔志年五十以疾終

閻氏任國寶妻夫亡氏年二十有二堅志守節四十餘年孫辰  
煜入邑庠

張氏生員任宏儒妻夫亡氏年二十有二矢志守節垂二十年  
而歿其子辰燦入邑庠

張氏蕭宗元妻夫亡氏年二十四遺孤子杰氏仰事俯育苦節  
三十年

李氏劉寅妻子學仁而夫亡越兩月生遺腹子學義家綦貧

竹谿縣志

卷十一列女

四

日採山蔬以糊口乾隆十八年邑大荒邑侯宋公聞其貧賑  
卹之子稍長灌園自給歷盡辛苦毫無異志年六十七而卒

以上俱  
舊志

孟氏生員汪瑗妻瑗歿時氏年二十四姑先卒事翁孝養惟謹  
翁嘗謂人曰吾子雖天幸媳孝老年差不苦焉得若之子媳  
亦能如是以報若人乎子漢儒入邑庠試輒冠軍以貢任宜  
城訓導人皆謂節孝之蔭也乾隆三十四年奉

旌表

李氏生員汪琇妻氏年二十三琇死無子撫姪漢濱爲後事翁

姑撫子侄宗族稱其孝敬慈愛能兼盡焉六十卒乾隆四十三年奉

旨旌表 以上俱舊志

陳氏縣民李倫之妻夫死氏年二十五歲其兄招之同住氏謂憐其無所也携幼子女依之居年餘一日聞其兄與人語則與媒論財禮將嫁己也始知兄乃非人實居己爲奇貨遂號哭携子女奔城將愬於官兄令人挽之歸氏見其兄意未已也乃從容自縊死事

聞乃治其兄以威逼之律而奉

竹谿縣志

卷十一列女

五

旨旌表焉乾隆五十五年知縣汪煜建坊於城北 舊志

李氏任尙廉妻年二十六夫死事姑盡孝姑疾夜焚香禱天願以身代姑尋愈人以爲孝感夫遺田僅二畝苦身力作以仰事俯育而家漸饒裕由其勤儉所致也子及孫皆遊庠食餼及六十歲生辰子進錦衣猶卻之自以布素終其身乾隆三十四年奉

旨旌表

龔氏邑營兵周宏耀妻也幼溫婉舅姑咸愛之乾隆二十八年金川用兵宏耀點行入川以軍功授千總凱旋後補穀城鎮

標左哨因軍前受傷深重未幾卒時氏年纔十九翁姑以家貧氏艾憐而將嫁之氏聞乃慨然曰吾夫以一小卒効力疆場獲受

皇恩官六品雖幸克全歸卒由創鉅致殞其去馬革裹尸者一間耳吾乃爲再醮婦以貽夫子羞耶且吾所以不敢遽殉者徒以舅姑在今反爲舅姑憂何以生爲然在舅姑側仍如平常舅姑不之察也夜闔戶整衣自縊而死無子夫兄周宏先亦以軍功授外委把總

舊志

劉氏武生敖世忻之妻嘉慶元年教匪猝起氏恐遭辱自戕二

### 竹谿縣志

卷十一列女

六

女亦投井死

題請建坊入節孝祠

匡氏洪道善之妻賊窺九里崗氏偕姑倪氏奔逃桑家灣遇賊將汚之氏與姑倪氏喊罵不絕賊殺其姑氏奔救哭罵賊並殺之

敖氏徐開順之妻賊至執其姑氏哭罵被害其女翠蘭亦同時殉難

周氏蕭漢明之妻遇賊被擄氏罵不絕口賊殺之執其翁與子去氏抱女嬰屍不僵血流至胸嬰吸之得生賊退家人收葬

顏色如生因取女嬰歸氏屍始仆地尋翁歸亦竟無恙  
職員孫希聖之女賢兒與母王氏避難遇賊被執母女懼辱互  
罵不已賊俱殺之賊去鄉民檢屍殮之香聞數里人皆嘖嘖  
稱異焉

畢氏龔傳詩之妻賊至殺其姑氏以身蔽之賊去氏死而姑存  
人傳其孝烈

李氏廩生曾宣澍之妻年二十澍患毒疽氏衣不解帶泣守經  
年夫殞氏撫棺嘔血數升子方襁褓人勸其節哀撫孤氏曰  
天不絕良善之嗣此兒必當長養成人也閱月拜姑於床下

竹谿縣志

卷十一列女

七

哭曰媳不孝得從夫去矣言罷而逝學憲王旌以節孝流芳  
譚氏羅昌林之妻教匪之亂避難山中夫婦俱被擄氏懼見污  
負子墜於巖巖高百餘丈子無恙氏亦得生姑尚存氏奉事  
終老教子成立氏無疾而終

盧氏徐元俊之妻嘉慶二年夫被賊殺氏奪刀救夫冒刃以死  
夫得復生

題准建坊

劉氏儒童曾致福之妻夫亡守志孝奉翁姑教子成立苦節數  
十年嘉慶十二年



題准建坊

陳氏廩生馮軾之妻夫故氏年二十八歲遺子汝賢方三歲賢入邑庠娶劉氏生子斌賢故劉年二十四歲亦守節一姑一媳共誓栢舟未幾斌娶妻相繼夭殞遺子正祥方八歲二氏以老年撫孤子每日呼天默佑及正祥婚娶陳氏年八十劉氏五十有七矣奉

旨旌表

李氏趙英妻孝民曰貴之母年二十四夫故撫孤曰富曰貴勤儉操作家政嚴肅教子有方尤好利濟貧寒里閭德之嘉慶

竹谿縣志

卷十一列女

八

二十五年奉

旨建坊

周氏民人王元祺之妻夫亡守節嘉慶二十五年

題准建坊

孝婦廖氏鄉民郭學義養媳也幼知孝順每遇翁姑病日夜侍立牀前湯藥手進未嘗少離家極貧採樵薪勤紡績易米以供翁姑自食樹皮糠屑而翁姑莫知也姑患渴症醫者言人乳煎肉汁可治氏乃以糕糜哺兒留乳煎肉以進無何翁病垂危氏私割股肉以進病頓愈未幾姑又病氏復禱天破胸

割肝熬湯進姑姑亦尋愈氏又入山採樵遇巨蛇繞身氏呼曰我死何足惜如翁姑何蛇解去聞空中若有呵叱聲殆孝德所感也

張氏馬昌元之妻被賊裹不從捐軀殉節

程氏職員饒學健之母同姑許氏避難於朝陽洞賊眾破洞許氏罵賊被害程氏以救姑亦被害縣令宗公挽以聯云罵賊捐生全大節從姑殉難抱貞心

曹氏唐大謨妻嘉慶五年賊至氏罵賊被害時年二十歲

喬氏陳宗善妻嘉慶五年賊至被擄罵賊不從賊斷其舌而死

竹谿縣志

卷十一列女

九

脩氏生員何尙德之妻嘉慶五年巨匪張漢潮大股圍官渡擄婦女無算氏獨罵不休被賊亂鎗刺喉噴血而死尹氏生員何尙志之妻同日被賊圍裹氏以石擊賊腦賊斃自恐不免赴水死人稱爲何氏二烈焉

金氏王有才妻于歸三年適遭賊匪之亂氏偕姑張氏將匿山谷中途遇賊金固有色自度無生理給賊縱姑氏推賊水中賊怒支解之

敖氏年十四歲許字蕭仕璽未娶而蕭從征陝西數年無信歸翁姑憐其少矚其父母改嫁氏不從矢志待字者二十一年

年三十五歲卒於母家及仕璽歸氏歿已五月矣痛悔無及  
李氏生員何經弼之妻嘉慶元年夫故氏矢志守節奉姑撫子  
終身不茹葷子瀚年二十餘卒媳周氏繼姑守志克盡孝養  
人稱一門兩節

梁氏故醫士陳昌輝之妻許字陳門時氏年二十既訂期而氏  
夫病亟翁姑執冲喜俗說迎氏于歸氏夫臥病在牀未能成  
合鬻之禮越十餘日而夫歿氏哀痛不欲生翁姑再三開諭  
勸之嫁氏毀容誓死守節至夕遂自縊死時年二十二歲

甘氏王忠妻嘉慶五年遇賊欲污之氏罵不絕口賊怒裂其屍

竹谿縣志

卷十一列女

十

時年二十事平奉文入祠

萬氏李祖輝妻輝亡時年甫二十貧無立錐其家欲賣氏以葬

輝氏佯爲不知及葬畢氏恐不免將自盡其母知之謂其家

人曰吾女志若金石汝等宜晝夜防守氏言笑自若守稍懈氏

自刎死

吳氏李成衣妻嘉慶五年被賊擄置馬上氏罵不絕口適路旁

有大塘乃投入水中賊以長矛刺之遂死時年甫二十也

秦氏蕭綱之妻隣人某兇徒也覷氏夫遠出夜掇其門欲強污

之氏力拒大罵隣某持刀斃氏并斃其懷中三歲子事聞緝

兇明正典刑氏奉

旨旌表

湯氏張隆槐之妻嘉慶三年逆匪擾亂氏侍祖母彭氏姑湯氏避難於周家灣猝遇賊賊先殺彭氏氏隨姑護救賊給之曰爾從則免死氏與姑大罵賊怒並殺之後四日收屍氏面色如生

姚氏王百祥之妻祥故氏年二十四歲遺子道義守志撫孤苦節三十二年

韓氏楊宗賢之妻二十七歲而寡遺子二矢志教養成立守節

竹谿縣志

卷十一列女

十一

二十六年

楊氏劉廷貴之妻夫故氏年二十九歲二子俱幼矢志守節四  
十三年子永文國學生先偉從九林春邑武庠

鄧氏庠生趙象賢之妻夫故氏年二十九歲矢志栢舟家貧氏  
勤紡績事翁姑至孝教子成立守節三十餘年

胡氏汪漢傑妻夫亡氏年二十一歲遺孤杞矢志守節事親教  
子里黨賢之壽七十餘歲

徐氏甘文炎妻夫亡氏年二十八守節事翁姑盡禮無子撫堂  
侄敬銘爲嗣家貧績紡佐食苦節四十九年督學使者王旌

以匾曰節孝可風

廖氏營兵任尙坤之妻乾隆年間尙坤從征金川陣亡氏年二十七歲生子三長逢年方五歲次得勝方二歲三在襁褓至嘉慶元年教匪作亂母曰此忠孝兼盡之秋爾等正壯毋以爾父故不出力勦賊於是逢年隨征川陝等處有功授守備銜得勝亦以軍功授把總職學憲茹給以栢舟矢志匾額年七十七卒時三子七孫皆蔚起人以爲苦節之報

章氏張青霄妻年二十五歲夫故事翁姑終老撫一子之秀以軍功得把總銜因勞受病卒氏撫孫百福成立

竹谿縣志

卷十一列女

十二

吳氏張棟妻夫故氏年二十六歲撫子步鰲成立親見五代

徐氏儒童謝立德妻郡庠綱修母也夫故氏年二十四撫二子綱修綱治延師教讀事姑孝養才節兼優里黨稱之督學使者王旌以節孝可風

趙氏徐吉國妻夫亡氏年二十七撫孤永隆永誠皆成立事翁姑盡孝督學王旌以節孝流芳

汪氏關懷坤之妻坤歿氏二十八歲遺孤思誠方四月氏事姑撫子孝慈兼盡守節五十三年邑侯李旌曰慈竹長青學憲王旌曰砥節懷清

馮氏張文珮妻文珮故氏年三十歲苦志守節遺子三事姑以孝撫子成立子登元入武庠督學使者王旌以節孝可風王氏莫汝元妻洪氏汝望妻元望兄弟家貧而篤於孝友汝元病故汝望悲傷成疾相繼逝時王氏二十八歲洪氏二十六歲皆矢志苦節學憲王旌以雙節流芳

郭氏甘文泰妻武庠敬宗母也夫亡氏年二十五姑卒事翁以孝聞翁曰吾子雖夭幸媳孝老年差無憾耳教子有方鄉里賢之年六十卒學憲王旌以節孝堪式

徐氏武庠甘文燮妻夫亡氏年二十四無子撫女三皆爲擇嫁

竹谿縣志

卷十一列女

十三

堅志守節四十年如一日督學王旌以節孝可志

敖氏甘敬敷妻敷禦賊陣亡氏年二十一欲以身殉死而復蘇者數矣翁姑親族再三慰之乃矢志守節家貧躬親操作孝事翁姑撫二子俱成立

張氏儒童甘楹妻邑庠文昭母也夫亡氏年二十五撫子二事孀姑盡孝鄉里賢之

鄧氏甘梅妻漢陽訓導鄧之璽季女也夫歿氏方二十五歲矢志守節事翁姑盡禮撫子文祥補邑庠孫敬立補武庠

趙氏廩生甘汝瑜之繼室瑜前室曾氏早亡遺子三趙撫之若

己出汝瑜歿氏年二十二矣矢志守節教子有方前子栻邑  
增生楫黃安訓導子杓恩貢

姚氏王士清之妻二十一歲夫歿遺子方三月氏矢志清操事  
親撫子三十年如一日督學王旌以節孝可風

郭氏張大忠妻忠於嘉慶元年勦賊陣亡氏年二十六矢志守  
節撫子三皆成立以苦節著

周氏崔文輝妻夫故遺二子氏年二十五貧苦無依矢志清操  
撫子成立以苦節著

陳氏廖永千妻夫歿氏年二十五遺二子家貧守志撫子成立

竹谿縣志

卷十一列女

十四

龍氏郭崇榮妻生員世鳳之母崇榮歿氏年二十八矢志守節  
教子成名世鳳兄弟積館穀資造橋以濟行人克成母志

吳氏楊華祖之妻夫亡氏年二十八無子誓不欲生妯娌勸慰  
以兄子兆和承嗣善事翁姑教子成名苦志三十餘年人無

間言

郭氏年二十六歲何尙信妻也夫歿遺子三矢志清操事姑撫  
子守節三十餘年里黨賢之

藍氏郭振友妻歸郭二年夫亡遺幼子姑見其年穉勸改醮氏  
逃回母家斷髮毀容冰霜自矢卒能事姑撫子以完節孝焉

王氏侯里妻夫故氏年二十八事翁姑撫幼子守節四十四年  
卒年七十有二

敖氏劉建申妻申亡氏年二十一矢志自守家貧勤紡績撫二  
子俱成立

汪氏張玉相妻夫亡氏年二十六家貧躬操井臼勤於教養壽  
七十餘卒

羅氏劉才伶妻夫故氏年二十六矢志堅守艱苦備嘗撫子生  
鯉成立苦節四十六年督學王旌以節操可嘉

甘氏李華國妻年二十七歲夫亡遺孤榮繁甫三歲或勸其改

竹谿縣志

卷十一列女

十五

節且曰家徒四壁可若何氏曰願餓死因績紡給饘粥事姑  
育子苦節五十餘年

劉氏劉華南妻年二十九夫亡遺孤明智氏勤儉操持奉親撫  
子母道父道里人謂氏能兼之

張氏周官妻年十八于歸四年而寡矢志清節遺子希湯甫一  
歲氏奉姑教子後希湯補弟子員邑侯江旌以匾曰茹蘗熊  
丸徐氏希湯之妻也湯早卒氏年三十八能繼姑志子萬邦  
萬國守節四十六年次媳謝氏亦孀居撫子世俊邑增生一  
門三節鄉里推重焉



熊氏范光潤之妻夫亡氏年二十六翁卒事姑撫子苦節自甘鄉里稱之

劉氏徐正時之妻夫故氏年二十八遺子德振撫養教讀子入邑庠守志二十餘年學憲王旌以匾曰德儀是式

杜氏敖燾之妻祖氏生員敖于判妻兄弟俱於嘉慶五年陣亡二氏共矢清操事翁姑撫子女教養兼盡咸以爲忠節萃于一門焉

王氏何建尤之妻氏年二十八夫亡遺子咸忠矢志撫孤歸告父曰乞遺爲兄嫂伴父諾而從之氏課子攻書游泮旋以禦

竹谿縣志

卷十一列女

十六

賊受傷卒咸忠妻但氏年二十九亦守節奉姑遺三子俱幼王氏卒年七十三守節四十四年但氏卒年四十六守節十七年長子慶麒從九次慶麟邑武生三慶虞歲貢生

王氏金天仁之妻十五歲歸金年二十夫歿遺二子俱幼矢志守節教子及孫皆成立年八十六無疾而終長孫世良任嘉魚縣訓導

甘氏汪炳渭妻年二十一夫歿遺孤方一歲家貧氏躬自操作撫子成立里人稱之

彭氏汪漢南妻夫亡時年二十餘無子撫南從子璋爲嗣辛苦

茹荼堅守四十餘年

何氏王丕熈之妻夫亡氏年十八遺孤文聲甫一歲家貧氏事親撫子以節孝著

李氏崔文華妻劉氏文玉妻兄弟相繼逝二氏矢志栢舟撫孤事親以節孝著

陳氏漆宏貴妻嘉慶二年氏夫被賊害守志奉姑養葬如禮撫子成立

漆氏庠生龔心琪妻年二十八夫亡斷髮自守勤女工事翁姑教子有禮法子振傳入邑文庠孫金鈴郡文庠孫名正邑武

竹谿縣志

卷十一列女

十七

庠

崔氏周天順妻順從軍陣亡氏年二十八曲盡仰事俯育之道守志二十五年

徐氏蔡琨妻夫亡氏年二十一遺孫元亨甫一歲矢志清操事親教子里人稱之學憲王旌以節孝可風

夏氏李光榮妻夫故氏年二十九矢志自守撫孤事親隣里稱之

譚氏唐添茂之妻夫死氏年二十七歲遺子福禎四歲家無恒產氏紡績佐養事姑教子備嘗辛苦守節二十五年鄉里咸

稱頌之

李氏何深水之妻夫亡氏年二十九歲遺子仁發仁孝仁心俱幼氏矢志守節教養成立

朱氏儒童張和之妻二十八歲夫故無子家甚貧姑憐其少勸之改嫁誓死不從撫侄國興爲嗣苦節五十年

朱氏關思明之妻思明隨軍陣亡氏年二十誓志死守撫子文星自克成立

申氏彭永脩妻夫亡守節撫子露成人娶婦劉氏未幾露歿劉氏年未三十守節不渝事姑撫子宗族咸稱頌焉申氏劉氏

竹谿縣志

卷十一列女

十八

皆以大壽終邑貢生彭正名廩生彭開藻其後裔也

黃氏生員謝思賢之妻年二十四歲夫亡子幼翁姑衰老氏仰事俯育竭盡辛勤數十年如一日焉

何氏謝明清之妻年二十五歲夫亡氏矢志守節撫遺子思昌業儒有成嘉慶二年遇賊不屈被害氏與孀媳譚氏共撫孤孫備歷荼苦人稱一門雙節焉

孫氏謝思恭之妻年二十六歲夫遭賊不屈被害遺三子年皆穉幼氏矢志撫養成人

湯氏羅祚德之妻夫故遺子昌武甫週歲氏勵志清操數十年

如一日焉

張氏衛其珍母夫亡氏年二十三苦志堅守數十年如一日督學使者王旌以砥節懷清

葉氏邑庠賀時雍祖母也夫故氏年二十餘事舅姑教孤幼苦節數十年學使王旌以節孝可風

童氏魏明照之妻二十六歲夫故一子夭撫侄爲嗣孝養翁姑無闕禮守節二十七年

彭氏武生廖隆煥之妻夫故氏年二十九遺子啟明尙在襁褓矢志守節教子成名里黨奉爲女師焉

竹谿縣志

卷十一列女

十九

王氏張明高妻夫故家寒撫子成立守節三十餘年

夏氏王文相之妻夫死欲自殉姑諭之曰吾子已死遺孤尙幼汝能安心從亡人於地下耶氏乃盡孝撫孤守節四十餘年

孫定元入武庠

龔氏陳勝讓妻夫故無子撫侄爲嗣守節三十年

李氏張大任妻夫亡氏力守清操撫子其陞守節三十六年周氏顏家讓妻夫死遺子學儒教以成名苦節四十餘年學憲

王旌以節孝可風

李氏阮名揚妻夫亡守志撫子苦節五十六年孫文入邑庠

鄧氏梅希賢妻夫死家貧矢志撫子訓讀爲勤苦節三十年

徐氏蔡元周之母夫亡氏幼教子成立守節二十餘年

張氏賀楹妻夫歿立志撫子守節四十七年

蕭氏尤泳涵妻夫死無子撫侄長青爲嗣入邑庠守節四十餘

年

雷氏武生許向魁之母夫故氏矢志教子苦節三十餘年

劉氏湯逢敬妻夫死氏年二十三子三氏辛苦自勵五十餘歲

胡氏陳鐸朝妻夫亡守志四十二年教子成立

嚴氏陳鐸應之妻夫歿遺子方數歲矢志事親撫孤守節四十

竹谿縣志

卷十一列女

二十

餘年

陳氏操宗遠妻夫歿守志孝事翁姑教子扶搖入邑庠

張氏衛之壽妻守志三十五年教子成立學使王旌以節孝可

風

周氏李明德妻守志五十年教子成立氏亦享大年

王氏蕭宗槌妻夫死守志六十一年子孫皆成立氏享大壽

劉氏熊義妻守節四十年家貧孝事翁姑教子成立人無間言

楊氏熊仁妻夫歿守節五十九年子孫成立年八十四歲

劉氏夏維榮妻夫歿撫孤守節二十三年子宗光入邑庠

朱氏盧秀高妻夫死氏幼無嗣父母欲奪其志氏投繯救免撫  
姪德風承嗣守節四十年子孫成立

龔氏張桂妻夫死守志四十四年子步高入國學

汪氏周曰忠妻夫歿守志四十四年子孫林立子廣瑛入國學  
劉氏杜九州妻夫死矢志守節五十九年子孫林立

余氏明世科妻夫歿親老子幼苦志守節曲盡婦道矢志三十  
九年

尹氏歐茂賢妻夫陣亡遺一子氏守志教子學憲王旌曰蒙難  
砥操

竹谿縣志

卷十一列女

二十一

徐氏吳永象妻生員吳天驥母守志孝親年八十餘子孫林立  
五世一堂

甘氏敖于鄒妻夫故矢志守節二十七年撫子成立以壽終

蕭氏彭正英妻夫故守節三十八年教子成立學使王旌以砥  
節懷清

關氏朱思善妻嘉慶初夫陣亡氏年二十六欲自刎以殉母勸  
以事孤撫子氏卽斷髮矢志養姑仰事俯育里黨賢之

彭氏周德裕妻夫歿氏年二十九歲遺一子一女矢志守節養  
親撫孤享年八十四歲

周氏邑庠劉庭模之妻孝事翁姑敬慎勤儉生子三夫故氏年二十四歲矢志守節教子成名長能燦次能灼武庠三能煥邑增生沒年七十四歲守節五十年

梁氏敖世煒妻十六歲適敖數月夫卒氏斷髮自矢志守節撫兄子于華承嗣事親教子曲盡婦道卒年四十九守節三十三年

張氏虞能定妻夫故氏年三十撫幼孤志廣志松俱成立

劉氏邑庠徐正唐妻夫歿氏年二十七遺孤華昭馨潤皆幼氏苦守教育二子俱入武庠

竹谿縣志

卷十一列女

二十二

汪氏彭開甲妻年二十五夫歿遺一子逮事重闈惟以紡績針黹供事喪葬盡禮後子天撫姪春祚承嗣守節三十三年

周氏饒士林妻夫故氏年二十二撫子矢志守節四十四年

雷氏彭發錢妻二十九歲而寡守節二十八載教子成立

吳氏譚炳妻夫死氏年二十四遺孤應莊甫一歲苦志守節孝事翁姑教子成立年八十二卒學憲王旌以節孝流芳

郭氏陳大義妻夫亡氏年二十遺孤歲餘苦志守節教子成立

馬氏劉國用妻夫陣亡氏年二十二遺子三家貧苦志守節事親孝教子成立

周氏連維馨妻夫亡氏年二十八矢志守節孝事翁姑教子成立

沈氏吳乾元妻夫死氏幼遺子二女四氏矢志撫孤子祥禮祥智均列膠庠人咸稱其貞淑

陳氏周正啟妻夫死氏年二十八苦志守節一子夭亡撫幼孫成立

顏氏周光祖妻夫陣亡氏年十八遺孤數月苦志守節子邦彥入武庠學使王旌以節孝可風

袁氏盧國鳳妻夫亡氏年二十六苦志撫孤飲水茹素鄉里賢

竹谿縣志

卷十一列女

二十三

之

蔣氏李中仕妻夫故孀居三十二年克勤克儉教子成立

徐氏儲萬本妻夫死氏年二十矢志守節有遺腹子教養成立

胡氏唐燕廷妻夫陣亡氏年三十遺幼子萬順氏兄胡承烈亦

陣亡遺幼子國禎氏撫兩姓之子上事孀母歷盡艱苦守節

三十八年

彭氏生員詹鳳鳴妻嘉慶六年教匪磨至氏避難被執不屈賊給以所掠金帛氏罵曰逆匪何敢犯我遂被害時年甫二十八人共哀之



蕭氏趙志之妻夫故氏年十九憐夫無子撫姪爲嗣備極艱苦  
守節四十九年

王氏蕭黠之妻夫故氏年二十六子仕堂甫月餘氏上事翁姑  
下撫孤兒守節三十年

廖氏任應茂妻夫故氏年二十四立志苦守事姑撫子守節三  
十年

張氏郭崇文妻文隨征陣亡遺子二世禎世祥貧苦無依氏以  
紡績奉事翁姑守節三十年

張氏王文鳳妻夫死氏年二十七矢志守節撫子成立長芝山

竹谿縣志

卷十一列女

二十四

入邑庠

張氏李廷貴妻夫故氏年二十一善事翁姑撫子成立苦節五  
十二年

孫氏胡有文妻夫故家貧氏以紡績供養姑病夜禱於神割股  
以進病尋愈守志七十三年壽九十八歲學憲王旌以匾額  
蕭氏王盛瑞妻性至孝姑病醫藥無效氏割股和湯以進病尋  
愈後姑以壽終

趙氏吳錦英妻夫病篤醫藥罔效氏两次割股療之病愈時乾  
隆五十年事也子和泰現任鄖鎮把總

趙氏貢生馮正祥妻性至孝適馮逾年祖姑劉氏久病氏衣不解帶者八年劉每呵遣之而氏如故逮事兩代稱爲罕覯云彭氏楊文海之妻事姑盡孝姑病氏割股療之姑病頓愈鄉里稱其孝

胡氏傅春華妻姑王氏病篤割股以進姑病遂愈道光五年十二月事也

潘氏徐廷斌妻嘉慶二十五年姑病危篤割股以進尋病愈里人稱之

陳氏彭蔚秀之妻夫故氏年三十矢志守節孝事翁姑教子成

竹谿縣志

卷十一列女

二十五

立壽九十一歲親見五代

曾氏白昌齡之妻夫故氏年二十二遺孤一時重闈俱在矢志守節孝事兩代喪葬盡禮

陳氏沈進昌妻夫陣亡氏年三十家貧矢志守節孝事翁姑撫子成立

李氏翟運泰妻夫死遺雙生孤甫數月氏年二十三立志守節上事翁姑撫子成立

惠氏孟光玉妻夫故氏年二十九遺一子夭亡零丁孤苦堅貞自矢守節六十三年

李氏虞文孔妻邑郎中李昌平從堂姊也生子三光富光泰光  
祿年二十八夫死立志守節撫孤成立學憲王旌以松筠勵  
節匾額

姬氏楊武妻武於嘉慶初年帶勇傷亡氏年二十六家貧苦守  
志堅金石卒年六十七歲

吳氏劉占魁妻嘉慶年間以聚勇勦賊有功授漢中府守備未  
幾病故氏年二十苦志守節撫子永吉成立

陶氏楊金榜妻夫死氏年二十四苦志守節勤儉治家義方訓  
子卒年八十六親見五代

竹谿縣志

卷十一列女

二十六

楊氏蕭灼妻夫故氏年二十七矢志不渝孝事翁姑撫侄仕型  
爲嗣候選縣丞守節三十三年以侄安陸訓導仕壇

貽贈儒人

李氏魏廷模妻夫故氏年二十五上事下育守節三十年

陳氏廖永千妻夫故守節五十三年

盧氏陳昌志妻守節三十九年

葉氏賀永昱妻事姑撫子守節四十七年

祖氏廩生鄧洪煦妻生一子而夫故仰事俯育子汝墀入邑庠  
年七十六而卒

曾氏郭垣之妻壽一百一歲嘉慶二十二年

題准建坊

朱氏蕭美堤妻壽九十四子三孫十曾孫二十五元孫二十四  
五世同堂

汪氏邑庠甘汝瓊妻武庠禮與校之母五世同堂孫文庠武庠  
文漢文恩文庠曾孫敬立武庠

楊氏敖世熾妻壽八十有餘克盡婦道四德咸備子居廣貢生  
學憲王給有聿脩婦職匾額

黃氏武生王明儒之祖母匪亂以糧濟勇年飢以穀捐賑學使

竹谿縣志

卷十一列女

二十七

王給有匾額

丁氏明之奇妻五世一堂壽八十一歲

胡氏李明富妻年七十九歲五世一堂

金氏李梅妻年七十四歲親見五代

陳氏儲金容妻有梯子巖極危險令子捐修遂成坦途行人賴  
焉年八十六親見五代

楊氏凌漢文之母壽一百零兩歲子八孫曾數十親見六代

王氏徐廷文妻嘉慶初教匪至氏負女隨姑上寨姑折足氏棄  
女負姑可謂孝矣文歿妾李氏年二十四守節三十六年臨

終命二子置祭田且捐紡績貲爲親房無子者完娶可謂能識大體矣

周氏田世澤妻嘉慶二十三年澤墮水死氏年二十六冰霜勵節孝養公姑撫週歲子成立現年七十四歲四世同堂

劉氏營兵王文超妻洋錢街之役超卒于軍劉少艾無子族長見其淑慎議爲立嗣劉不從族戚竊議其再醮劉若弗聞也者骸骨歸氏泣血臨喪哀動左右親率人營葬畢歸家沐浴更衣縊而卒其從容就義有古烈丈夫風焉

杜氏敖于渭妻渭于嘉慶年間勦賊遇害時氏年二十六冰霜

竹谿縣志

卷十一列女

二十八

自勵撫姪爲嗣壽至八十二歲

羅氏邑南曾特魁妻嘉慶初夫婦避難秦坪洞洞破魁手刃二賊遇害氏飛岩爲藤蘿牽掛得不死青年守志節比松筠姑性嚴厲事之卒得歡心後年逾古稀撫子成名天之報施者亦云厚矣

趙女生員趙春山之胞妹嘉慶六年女年十七隨父應翥避難翥爲賊執女潑救賊遂釋翥逼女女不從身受數十傷猶罵不絕口而死

敖氏廩生司正坤妻夫故氏年二十餘矢志堅貞紉鍼度日撫

子成立旋故孫復不育三十餘年清操足型風化中丞胡賜  
有苦節彌貞匾額咸豐八年奉

旨旌表

黃氏田世達妻青年守節撫嗣子德孚成立壽八十五歲四世

同堂

李氏蕭仕埈妻埈亡氏年二十二誓不他適兩兄各予一子爲

嗣氏以養以教至於成人現年五十餘家亦小康

陳氏張明常妻年二十六夫亡家極貧撫子二皆童穉氏紡績

以度堅白自矢年七十里人贈以貞靜壽宜匾額

竹谿縣志

卷十一列女

二十九

饒氏劉文忠妻忠故氏年二十四撫幼子三家赤貧有勸再醮  
者氏以柏舟自誓食不足則益野蔬以爲常現年六十餘歲  
子皆成立

上官氏翁允和之妻貢生大賓之母青年守節迄今六十七歲  
孫曾繞膝人稱爲福姑

唐氏王士忻妻夫故矢志不渝現年五十四山邑已採入志

馮氏監生王英榮妻工部正郎營繕司王立清之母夫故守節

二十餘年現年五十八

李氏沈全熙妻年二十孀居清白自矢現年五十八

周氏湯逢相妻相歿氏年二十三子一守志事病姑以孝聞  
劉氏監生鄆天福妻年二十八而寡矢志守節現年六十二  
徐氏吳思智妻夫亡氏二十八事姑孝矢志堅撫子邦斌成立  
旋歿媳徐氏青年守節且能安慰孀姑人稱姑媳雙節

彭氏王斯新妻夫亡氏年二十六撫遺孤二孝事孀姑始終不  
懈年五十卒

周氏李正艷妻年十六適李十九孀居家貧守節孝公姑現年  
五十九歲內外無間言

陳氏王舉德妻年十九于歸不旬日夫故家赤貧誓不他適撫

竹谿縣志

卷十一列女

三十

姪爲子勤紡績孝公姑現年五十八

魏氏李堯章妻姑病篤氏割股煎湯以進病得愈後章病氏又  
割股療之章故氏哭之絕而復蘇者再撫幼子一新教有義  
方姑歿營葬後泣曰向之不死以老姑在今事畢願從夫子  
於地下遂不食三日而卒

郭氏胡開榜妻榜故氏年二十五家貧撫二子成立艱苦備嘗  
現年六十矣

儲氏柯道心妻心故氏年二十一家貧撫子訓教有方苦節三  
十餘年內外無間言

趙氏馮學義妻年二十夫故母將奪其志氏泣曰母不見高曾  
祖母乎旌表建坊榮何如之氏願撫子守節之死靡他現年  
五十一

方氏井元良妻年二十八夫故撫孤子永清入武庠守節五十  
六年里閭無間言

鄭氏民人王進榜妻二十八歲守志三子均未成立勤苦操作  
躬親教養至今七十四歲家稱小阜鄉里無不頌節孝賢德  
楊氏方必達妻年二十七夫故撫孤子教之以正現年七十歲  
里人稱其賢

竹谿縣志

卷十一列女

三十一

高氏管連貴妻年二十夫故無嗣家貧甚氏出紡績貲爲翁娶  
妾亦不育乃立族姪氏又辛勤爲之娶婦生子三宗祀不絕  
氏之力也

余氏武生明世科妻二十二歲守節年八十不祿學憲王旌以  
節孝可風匾鄉里贈柏節槐香匾

周氏李明德妻二十三歲夫故公姑年逾半百一子歲尙未週  
家又貧氏仰事俯蓄全賴紡績守節五十五年辛苦備嘗矣  
劉氏崔文玉妻夫亡年二十四孝事姑嫜撫子成立髮匪竄谿  
氏避難不及遇賊厲罵裂尸而卒



吳氏賀才科妻年二十四夫故守節家素貧氏勤儉以致充裕  
子孫昌熾享壽八十七歲

劉氏吳德讓妻貢生吳容心之祖母年二十夫故遺子一家貧  
氏紡績度日守節五十餘年

敖氏甘敬績妻夫故氏年二十八守節三十六年撫三子皆成  
立

熊氏武生甘敬箴妻夫亡氏年二十七孝事翁姑義方教子子  
本六入邑庠守節三十一年

張氏甘敬令妻二十六歲夫亡冰霜勵節人無間言現年六十

竹谿縣志

卷十一列女

三十二

有五撫二子成立

孟氏武庠甘敬主妻年二十八夫亡家極貧矢志守節勤儉持  
家撫遺子成立至今家稱小康

敖氏徐天貴妻年二十三夫貿易未歸姑欲奪其志氏不從曰  
家雖貧茹苦自甘卒之養生送死惟氏是賴且出紡績貲爲  
夫弟完娶人競稱其賢孝焉

魏氏王隆福妻夫亡氏年二十六無出撫姪世章爲嗣矢志堅  
貞六十四歲卒

羅氏尹興阜妻夫亡氏年二十九孝事翁姑清操自矢現年六

十八歲四子皆成立

李氏劉庭堯妻夫故氏年二十八子幼穉家貧氏勤紡績甘淡泊七十一歲卒

伍氏王昌明妻夫亡氏年二十家極貧撫子成立人謂操比松栢享壽七十三歲

伍氏文童鍾超輔妻年二十六夫亡子皆幼穉氏矢志守孤長入文庠享壽六十九歲奉

旨旌表

王氏武生翁大倫妻年三十守節撫孤成名姑病篤割股療之

竹谿縣志

卷十一列女

三十三

鄉人咸稱其孝

洪氏文童顏學賢妻生員顏湘之母年二十餘守節撫孤數十年如一日咸豐元年學憲杜獎以懷清履潔匾額

徐氏袁起貴妻年二十七夫故守節家赤貧紡績自給撫子成立現年八十七歲五世同堂

譚氏徐德超妻年二十四夫故守節無子女無產業日夜紡績以養孀姑姑歿喪葬盡禮里人無不敬服

柯氏貢生鄭衍模之母也賦性貞肅不苟笑言親族咸敬畏之治家則井井有法親見五代邑侯李旌以孟母遺風

陳氏職員楊大倫之母年六十苦節三十六年撫孤子成立  
盧女盧敏望之女幼字甘承柱咸豐甲寅年十七聞柱病故數  
日不食矢志夫家守節及入門倚棺結髮衣麻衣詣靈前泣  
血稽顙哀動左右哭未已忽天井石裂眾咸驚異識者曰裂  
者烈也此女貞烈成性石其爲響應哉

龔氏楊維屏妻性貞靜屏應童子試屢不售抑鬱以死氏事姑  
教子以孝慈聞今姑八旬餘猶強健二子咸入膠庠皆賴扶  
持之力于夫子爲不負矣

鄒氏儒童郭文琢妻夫死遺二子長三歲次彌月氏撫之成立  
孫愷入邑庠壽八十四親見孫曾數十人學憲王錫以五世  
同堂匾額

竹谿縣志

卷十一列女

三十四

萬氏監生盧師顏妻性至孝善事翁姑壽九十九歲五世同堂  
盧氏吳章煥妻夫故氏年十九家極貧苦守節四十餘年辛勤  
操作家漸小康

曾氏劉德坊妻年二十餘夫故姑年七十子子壽方週歲氏茹  
苦守節仰事俯畜四十餘載清操足式

張氏沈大仁妻年二十二夫故二子繼喪姑與母家逼其嫁至  
施以荆楚氏誓死不從家赤貧月下猶勤紡績年三十餘始

立嗣現年逾五旬子已成立

陳氏龔登壽妻家赤貧壽歿氏年二十無子紉針自度嗣子既完娶且抱孫矣現年六十猶紡績不輟

盧氏蕭宜芳妻芳歿氏年二十四僅遺女二性貞靜不苟笑言上事祖姑下撫嗣子孝順慈愛備極辛勤誠巾幗中所罕覯也

田氏楊維震妻家赤貧震歿姑老多病非肉食無以爲養有子尙幼氏日則耨鋤夜則紡績仰事俯蓄一身任之其勤苦可想見也

竹谿縣志

卷十一列女

三十五

傅氏吳某妻青年守節夫兄弟屢欲奪其志氏誓以死乃已現年八十苦節無間言

蘇氏廩生盧佐之妻年三十二孀居撫子際運成名現年八十餘矣

孫氏譚世璋繼室年二十四夫故已無出撫前室子女慈嚴兼施莫不敬服守節三十餘年業已請旌入祠

唐氏謝常秀妻秀故氏年二十一事親孝教子嚴不苟言笑三十餘載如一日焉

羅氏謝常明妻年二十五夫亡家貧子幼矢志靡他守節已二

十五年

敖氏武生徐德昭之繼室夫亡氏年二十五孝事孀姑撫前室  
子誦讀得入膠庠鄉里賢之

敖氏武庠徐天魁妻夫亡氏年二十八矢志不二撫三子成立  
以苦節著

甘氏把總劉錄遠妻夫亡氏年二十六歷事兩姑孝行無異教  
誨二子皆有禮法壽至八十八歲

童氏劉賢魁妻夫亡氏年二十三清操自矢人無間言

徐氏張興耀妻夫亡氏年二十五矢志守節事翁姑盡孝教子

竹谿縣志

卷十一列女

三十六

孫有方捐田修祠宇糶穀拯貧寒壽至八十五歲壬寅年學  
憲朱旌曰操勵冰霜

歐氏彭修繼妻夫亡氏年二十八性如鐵石事翁姑盡禮撫前  
室子如己出壽八十八尙康健

廖氏湯明禹妻夫亡氏年二十五一子尙幼矢志事姑守節四  
十年如一日焉

徐氏湯明儒妻夫故氏年二十八家本寒素氏躬自操作境愈  
苦而節愈堅現年七十五子已成立

胡氏文童許承祥之妻夫故氏年二十五家貧清操自矢撫三

歲遺孤成立

甘氏諶有福妻福宦閩省病故氏聞訃願以身殉族戚苦勸乃立志撫孤數十年茹苦含辛足型風化業經請旌入祠

湯氏顏學隆妻年二十八夫亡無資安厝氏典衣葬之勤紡績以養翁姑終身不倦人欽其節又稱其孝撫二子均已成立湯氏劉繼世妻夫亡氏年二十一撫姪爲嗣矢志守節事舅姑定省無間嗣子成立四孫皆能讀書

何女貢生何經世之三女幼字諶謨宣年十七賦性溫柔因翁姑見憐頻命往來事奉能先意承志翁姑相繼逝未完婚而

竹谿縣志

卷十一列女

三十七

宣亦天女誓以身殉竟不食而死

王氏蕭春芳妻未嫁芳充陝西營書換房至西域氏年已三十六母家素貧嫂力勸其他適矢志不從兄潛爲之別相室家氏覺自經者再皆遇嫂解救從此紡績助貲度日始相安又數年芳歸完娶今氏年七十餘猶偕老云

滕氏郭文淵妻家極貧淵沒遺一子甫彌月氏恐其子之不成也名之曰成成性頑悍江甯之亂充鄉勇十六年音問梗絕氏現年七十餘猶自耰鋤紡績幸兩孫已成立矣

姚氏趙志良妻志歿氏年二十四貧而無子人勸其再醮不應

逾三年夫兄與母家兄弟豔於大姓訂期將奪其志氏知之  
哭奠於夫墓極哀及歸言笑無異平時家人謂事當諧矣次  
早則見其縊於臥室可謂從容就義矣

周氏邑把總康逢恩妻髮匪困斗笠寨氏見危急墜崖而死

胡氏黃顯鰲妻青年守節撫子成立今壽八十餘猶顧復孫兒  
無倦容

馬氏生員張青玉妻性貞靜相夫起家內外嚴肅年二十八孀  
居事姑教子備極辛勤姑老病篤氏割股療之遂愈至今刀  
痕宛然撫子之彥未滿三旬夫婦繼逝撫孫百煥年甫三旬

竹谿縣志

卷十一列女

三十八

卒又撫曾孫仁安幸而成立得拾芹香氏年八十五尙強健  
五世同堂豈非節孝之報與

王氏儒生張之翰妻事姑極孝年二十四夫卒子未週歲值年  
荒家貧父母勸其他適氏義不改節覓食養孀姑志益堅現  
年七十矣而清貧如故意者天欲苦其節而始昌其後與  
戴氏監生張百煥妻性溫厚事祖姑馬氏以孝聞年二十六夫  
卒子仁安方十齡同祖姑教育今已名列膠庠

宋氏世襲雲騎尉鄧國丹之母夫故氏守節四十餘年迄今八  
十二歲尙健飯如常

譚氏武生甘敬宗妻守節撫孤事祖姑與姑孝學憲龍旌以北  
堂燕喜匾額同治元年逆匪兩次犯境命子承歡帶勇禦敵  
非素明大義不及此也

甘氏王文範妻範歿氏年二十七守節已四十餘年事親訓子  
足爲里人矜式

莫氏生員許承學妻守節數十年子死撫孫紡績自給茹苦含  
辛至今如故

姜氏萬仲恕妻守節撫孤人皆頌之

顏氏萬存儒妻青年守節事孀姑能得歡心

竹谿縣志

卷十一列女

三十九

李氏蕭吉相妻夫故矢志紡績自供現子已成立

夏氏李先言妻夫故矢志紡績度日里人稱之

盧氏周正璈妻年二十夫故家貧守節事親撫孤以孝慈聞

盧氏文生吳濬妻夫故氏年二十礪節撫孤事親能得歡心

丁氏文生鄭可觀妻守節撫孤辛苦備嘗

楊氏吳榮妻年二十六守節立兄子爲嗣氏撫之如己出現年

五十八歲已 奏請 旌表

雷氏生員郭謹妻夫死子幼撫子成立事姑以孝聞

李氏武童陳朝相妻年二十七守節以敬順事親以義方教子



里人贈以從德兼優匾額元年室被賊焚災不及匾亦異事也

顏氏從九蕭鳳相妻年二十九守節無子撫姪爲嗣享壽六十歲

黃氏鄭茂炳妻性貞靜鄉居無隣夤夜有強暴視其夫出未歸大呼開門氏恐受辱投環死事白奉

旨建坊入祠

王生員鄭春谷妻年二十七孀居無嗣撫姪承祀紡績度日厄窮堪憫

竹谿縣志

卷十一列女

四十

徐氏儒童王星長妻年二十七守節教子成名學憲杜旌以節孝可風匾額享壽七十歲

柏氏周裕壽妻壽故氏年二十五家極貧舅姑衰老氏勤鍼黹操井臼菽水無缺今姑九十餘歲事之不怠厥志

曾氏武生甘維貢妻年二十二夫故冰霜自勵孝事孀姑撫前室子慈嚴並用無異己出

諶氏監生甘承吉妻青年守節事祖姑與翁姑能得歡心撫姪爲嗣今已成立

任氏儒童司鴻鑪妻年二十孀居事孀姑以孝聞

王氏生員蕭獻廷妻年二十四守節善事翁姑年逾六旬冰操如一日

趙女趙曰貴女五歲字敖姓六歲目忽瞽年及笄敖故緩期不娶女亦不願殘廢累人父母欲奪而嫁之女誓不從至四十二歲而卒

徐氏蔡坤妻年十七歸坤甫半載坤亡撫遺腹子元亨成立清操自矢孝事翁姑道光七年學憲賀旌以節孝可風匾額

羅氏戴仲瑜妻年二十八守節上事翁姑下撫幼子備極勤勞今六旬餘孫曾繞膝而姑尚在進巾捧盂執勞不倦族戚無

竹谿縣志

卷十一列女

四十一

不敬服

於氏湯逢讓妻年二十夫亡矢志守節教子愷成立現年五十八歲

蕭氏樊昌達妻年二十七夫亡撫子守節事翁姑以孝聞現已七十四歲

卜氏樊繼廣妻年三十夫亡矢志守節現已五十二歲

甘氏敖希賦妻年二十七夫亡甫生一子矢志守節家貧甚茹苦四十餘年

周氏鍾先州妻年二十四夫亡撫子成立事翁姑以孝稱

鄧氏鄭茂竹妻夫亡氏年二十七矢志守節孝事翁姑姑病每夜告天求以身代

彭氏朱業九妻夫亡氏年二十七茹苦守節孝事翁姑享年六十有九

周氏王斯烈妻年二十五守節始終如一

陳氏王萬合妻年十九賦于歸歲餘夫故不一月產遺腹子矢志柏舟事翁姑能先意承志

敖氏職員蕭燭妻燭歿氏年十九遺子女各一氏撫幼成立苦節五十年諸孫林立人謂節孝之報

竹谿縣志

卷十一列女

四十二

曹氏朱學富之母年三十撫子守節垂五十餘載勤苦自勵積金爲子援例捐藩經歷後無疾終

張氏生員王勣妻勣故氏青年守節事姑有禮教子有方家庭雍睦

蕭氏儒重王樂呂妻呂沒氏年十九矢志勵節衣不華飾行不出戶得翁姑歡撫姪爲嗣教養倍至

周氏張若錦妻年二十四夫故守節已三十餘年撫三歲遺孤成立

馮氏原任甯武府知府李元慶之庶祖母守節三十餘年冰雪

清操足型風化以孫元慶貴

誥封恭人

陳氏周正起妻夫亡氏年二十三家貧有子二次早夭長完婚未久亦故又撫孫成立艱苦百折卒以興家迄今子息蕃衍魏氏李德峻妻夫病危氏惶遽無措曰設有不虞高堂奉事無人不孝莫大焉遂割肝煎湯以進病頓愈

朱氏季克坤妻年二十四孀居今年六十餘

王氏王昌運妻年二十五孀居今年五十餘

孫氏周世傑妻年二十餘生子不育夫故僅遺三女撫姪家照

竹谿縣志

卷十一列女

四十三

爲嗣茹苦含辛三十餘載無疾而終

余氏王齊蕃妻中梁寨陷蕃被擄氏侍姑病不去罵賊身中數矛賊去姑幸存氏覓食養之逾數月族人欲奪其志氏以死誓越年蕃歸母子夫婦團圓人以爲節孝所致

柯氏生員翁允亮妻孝廉方正揚庭之母也夫故守節三十餘年性嚴峻教家有法七子賴以成名現年七十六

胡氏敖立棟妻年十九生子一同治元年七月川匪至棟負子逃氏未及避被執怒罵不已賊刺十數矛死

王氏生員馮步揚妻年二十一同治元年避亂鳳凰寨寨將陷

氏同姑楊娣秦氏俱飛岩氏死身無完膚姑與娣僅存皆爲殘廢

彭氏馮修鼎妻同治元年亂氏年十九逃和慶寨寨破賊追至寨脚氏義不受辱撲塘身死

甘氏彭治郡妻同治元年秋遇賊不從撲塘身死

譚氏王福崇妻性最孝姑年近九十病不能興同治元年川匪至夫與子皆遠去氏泣曰媳不能再見姑矣投縵于榻右賊見亦愴然未加害氏姑人謂以死孝

秦氏楊雲妻性貞烈同治元年川匪至追氏夫婦氏促夫逃夫

竹谿縣志

卷十一列女

四十四

不忍氏撲塘身死

劉氏朱宏猷妻年二十四同治元年川匪至氏懼辱投塘身死  
王氏羅德明妻年二十同治元年冬避髮逆亂寨破被擄氏罵不絕口賊碎尸數段

孟氏庠生孟士寬之妹年十八適龔姓性貞烈嫻閨訓元年髮逆圍寨將陷孟與待字小姑恐爲賊玷預投縵死

周氏劉應榜妻年二十八夫故守節不渝撫三子成立享壽八十一歲

楊氏吳康金妻同治元年夫婦避亂中梁寨寨破氏負女撲北

岩未死見賊怒罵賊又刺頸數鎗氣絕復甦少頃金至負往長山寨傷調愈而音啞聞者莫不嗟嘆

盧氏武生甘敬貢妻年二十八夫亡矢志守節事姑極孝同治元年髮逆入境避亂不及恐賊見辱先罵賊賊裂其舌而死王氏李緒儒妻貢生王光宇之女同治元年七月川匪至擄掠將及氏恐辱服毒身死時二十六歲

敖女幼字顏澤漢同治元年秋川匪至被擄女不從賊擊之身無完膚至河邊女縱身入水死時年十五歲

尹氏從九劉代喜之妻髮逆陷太平寨氏見喜不屈死卽自盡

竹谿縣志

卷十一列女

四十五

以全節

賈氏監生賀興鵬之母與嫂鄧氏各居一寨聞鄧遇害慘極忿生墜岩身死

王氏湯逢伊妻壬戌秋川匪竄谿氏避亂途中遇賊自度不免遂投峒溪溝龍潭身死

洪氏謝立正妻髮逆至夫婦避亂仙人寨賊圍寨急正欲携氏潛逃氏曰賊數萬衆君一人逃猶恐不免尙以細弱相累耶正遂去寨破氏撲岩死時豺狼徧野凡爲賊殺者骨骸僅存氏獨肌膚完好鬼神實呵護之也

湯氏趙首倫妻髮逆至避亂洞中洞破逼氏不從賊奪其乳兒  
拋岩下氏詈罵賊連刺七矛去而氣尙奄息是夜投繯死  
楊氏張紹智妻髮逆至携女逃避甫出門賊劫與去氏不從賊  
殺之女厲聲大罵賊又殺之

王氏賀興鰲妻避亂永安寨寨破氏墜岩盡節

楊氏郭德全妻避亂安子寨寨破被擄氏罵不絕口遂見殺

甘女貢生甘文良之孫女年十六避賊太平寨寨破女墜岩死  
尹氏張德周妻元年川匪至不及遠避投岩死幼子終日號泣  
躡踪尋母亦墜岩死

竹谿縣志

卷十一列女

四十六

敖氏余先慶妻年三十髮逆破仙人寨氏飛岩身死

鄧氏戶書鄧秉鈔之女適農民黃修義方六載夫歿遺幼子二

女一紡織度日卒撫子成立族黨敬之

祖氏廩生鄧洪煦之妻生子歲餘煦故氏上事翁姑下撫孤子  
翁姑歿喪葬盡禮子汝釋得補增廣生員苦志五十餘載道  
光二十六年奉

旨旌表入祀節義祠儒學賀公雯若總括 各大憲看語顏其墓

曰享年七十餘齒德並茂矢志五旬久節孝堪旌

何氏蕭相儒妻生子兩月餘儒遊學在外歷十八載家益落氏

以十指上事翁姑下撫孤子及子鈞補郡庠氏嚴加訓迪切切以持躬勵行克紹先業爲戒年七十二邑侯德公廉贈聯云有守有爲費一十八年苦心是何等血性立功立德享七十二歲高壽勝幾多鬚眉

范氏湯明煥妻夫早逝守節勿貳撫三子成立勤儉守業克體夫志族黨敬之

曾氏湯明煒繼室也于歸半載夫故撫前室幼子如己出及長訓以義方

李氏周致義之繼室撫前室三子如己出及義故生子英鶴氏

竹谿縣志

卷十一列女

四十七

操持家政歷三十餘年如一日焉諸子皆列成均氏猶訓以義方

劉氏廩生湯明琪妻孝敬慈和勤紡織節飲食嘉慶十九年旱魃爲虐一門食指數十人皆染疫惟氏一人躬親湯藥不自苦亦無疾可謂吉人天相享壽八十一歲

祝氏邱以華妻年百歲四世同堂邑侯鄭錫匾曰貞壽之門

楊氏劉非偶妻事姑至孝慈惠居心至今一百零一歲有五世同堂之樂

馮氏郭崇敦妻年一百零二歲家極貧五世同堂子六皆教以



耕讀傳家

王氏國學譚虞臣祖母撫兩代遺孤壽百歲

楊氏文童湯明綱妻夫故矢志靡他夫兄明至見其苦節將三子逢舉立嗣擇師教讀現援例入監

魏氏邑文生魏定權女年十七適農民周家盛夫故氏年二十四生遺腹子天爵姑老子幼仰事俯畜一身任之人競以孝慈稱焉

明氏農民楊國和妻二十八歲夫故遺一子家貧守節撫子成立

竹谿縣志

卷十一列女

四十八

周氏王斯坤妻年二十七夫故守節撫子成立

鄧氏監生賀興樑之母同治元年冬髮逆圍寨氏僅一子恐絕裡祀挺身寨堞給賊以辦糧輸供陰使其子媳潛逃媳先出寨破賊以謊已欲殺之氏怒罵樑苦身求代賊縱樑歸以重金贖金未至氏已投火死

陳氏典史陳棠妻妹之女棠夫婦無出因撫養之年十八適鄖西袁捕廳子方同治元年夏賊陷隕西子方遇害賊逼氏堅拒之遂被傷賊退負痛來谿醫治月餘漸就痊七月川匪至氏避近山中賊曳之不去受刺十餘矛將愈十月髮逆由

谿竄珠浴河氏奔高陽寨賊追近氏急撲巖被藤蘿繫住賊倒刺以矛不能及投以巨石亦未及賊退衆救上寨次年陳典史以疾卒氏哀痛盡禮同六旬母扶櫬旋浙沿途官府聞氏節孝名皆助以金焉

趙氏楊炳華妻武庠裕芳母也夫故氏年二十五矢志守節事翁姑撫孤兒可謂孝慈兼盡

龍氏郭文煜妻夫故氏年二十四二子俱幼家貧守志教子撫孫皆成立現年八十餘五世同堂

王氏李有才妻年二十七夫亡遺子敬典敬魁俱幼紡織度日

竹谿縣志

卷十一列女

四十九

事畜一身任之現年七十歲

許氏龍道元妻元歿氏守節三十年撫三子成立

徐氏劉光綵妻綵故氏年二十二矢志柏舟孝事翁姑撫子成立入國學現已七十六歲

敖氏張祖傳妻傳死氏年二十四歲子一纔週歲父母以家貧子幼勸其再醮氏號泣毀容誓死靡他今五十六歲子歿撫有三孫家小阜咸謂節孝之報

徐氏顏其中妻年二十六守節撫子成立今六旬矣孫枝挺秀頗有含飴之樂

梅氏謝仁義妻三十歲夫故孝事翁姑嚴持節操今已逾古稀  
猶健飯子孫林立

劉氏戴仲旭妻二十七歲守節堅貞自矢事孀姑孝咸豐壬子  
吳學使錫匾云清風勁節

徐氏吳雪心母性極孝姑陳氏患癆瘵數載勢垂危氏割股煎  
湯以進疾乃瘳鄉人無不稱歎

敖氏生員趙步雲妻同治元年七月川匪突至氏欲奔敖家寨  
莫及墜岩死

甘氏蕭漢陸妻年三十夫故家無立錐子甫三齡氏紡績度日

竹谿縣志

卷十一列女

五十

躬親耒耜苦節五十載子成立家亦小康

敖氏蕭貞相妻家貧夫樵歸歿於水氏年二十餘携幼子負襁  
裸兒沿河哭泣覓屍葬之矢志不渝同治元年七月川匪至  
因護持衣物被賊連砍數刀得不死時年已七十餘

胡氏劉世貴繼室二十五歲守節翁姑年皆八旬餘力盡孝養  
待妯娌以和教子孫有方現年七十六尙能紡績勤儉治家  
彭氏張大廣妻夫故守節四十餘年撫子成立同治二年春避  
賊不及被殺年八十二矣

朱氏羅世太妻太歿氏年二十餘矢志守節撫八月遺孤成立

元年冬遇賊被害年已六十餘矣

羅氏吳五典妻天寶寨破氏飛岩全節

孫氏羅世慶妻慶歿氏年二十四無嗣家貧親老氏以指朮力  
盡孝道及翁姑歿喪葬盡禮撫姪承姚至今年近六旬

許氏劉待書妻二十五歲守節子幼家寒氏紡績度日撫子成  
立享壽七十七歲

劉氏湯逢敬妻夫死氏年二十七三子俱幼氏苦節自勵二十  
餘年於茲矣

徐氏謝廷發妻夫歿氏年二十七苦志守節始終如一治家教

竹谿縣志

卷十一列女

五十一

子舉有法其子喻海得入國學

陳氏諱厚扣之妻夫歿時年二十五氏躬親操作勤儉持家教  
子成立真婦道克周矣享壽七十而終

司氏生員諱祖瑞之妻年十八夫故氏甘心清苦立志堅貞奉  
上以孝待下以慈卒至子孫成立不墜前徽亦節孝可爲坊  
表者

譚氏生員諱志清妻年二十四夫故氏冰霜矢志上事孀姑下  
撫繼子淒涼自若見者皆哀憫焉

吳氏鄧鳴盛妻盛故氏年二十五矢志守節始終不渝

夜女幼字劉煥遠遠隨父肄業京師刻苦病卒女年十七住婿家已年餘聞訃一慟幾絕久之其母示他適意女矢死靡他事姑孝勤紡績甘旨既供清操益勵昔之封髮割鼻者猶有伉儷之情茲未謀面而稱未亡非節烈之尤難者哉

關氏葉興時妻二十六歲守節事孀姑夏則扇涼冬則溫被現年八十六子孫蕃衍猶勤紡績

沈氏袁光華妻二十八歲夫故遺三子皆幼氏上事翁姑下撫孤兜矢志不渝現年八十六歲

郭氏關秉倫妻年二十五夫故矢志守節茹苦含辛鄉人賢之

竹谿縣志

卷十一列女

五十二

龔氏顏學富妻二十二歲守志清操自矢白髮猶然數十年來外人罕有見其面者

李氏鄢行忠妻忠歿氏年二十八事姑以孝教子有方故長子炳文國學生次子炳南邑增生

張氏尹光松妻嘉慶四年松遇賊害氏幾度捐軀均從救免乃轉念家貧子幼留身撫孤時年尙二十有二厥後族人恐貧極難守勸再醮氏誓無二志享年八十六歲無疾而逝鄉里頌清操者至今猶然

程氏張昌鵬妻鵬病數年氏服事不倦鵬歿氏誓不適人奉姑

撫子不厭苦辛並恐人疑其難守剪髮毀目以示至今享年七十有五子鶴亭成名家亦小阜人咸以爲節孝之報

徐氏湯榮富之妻同治元年避髮逆難於和慶寨寨破賊欲脅之去不從怒罵被害

許氏陳演華之妻年二十二歲夫故氏孝親壽終撫孤成立人每憐其寒苦而氏堅貞自若至今已六十餘矣

熊李氏姑早歿翁九十六歲氏事之以孝聞撫幼子二俱成立魏氏監生張家琮妻年二十九夫故遺一子九歲有廢疾氏力撫成人恢復祖業人謂女中丈夫

竹谿縣志

卷十一列女

五十三

彭氏王斯新妻年二十六夫亡矢志守節事翁姑定省無間撫二子教誨成立

彭氏王斯順妻夫故氏年二十七撫三子皆幼穉艱難辛苦至於成立迄今年近六旬猶勤紡績不怠

查氏梁志仁妻仁歿氏年三十苦志守節及今年七十有二次子開第入國學

楊氏王維春妻家貧早寡矢志柏舟事翁姑孝撫三子成立井臼紡績苦不堪言

羅氏鄒先志妻志歿氏年未三旬矢志守節孝翁姑撫前室子

如己出與自生五子均教養成立迄今年登大耋子孫繁衍  
入膠庠者三人入國學者一人

曾氏夏宗烈妻道光十八年宗烈物故氏年二十八生一子甫  
周歲時孀姑已七旬氏事之至孝奉養扶持備至姑歿盡哀  
盡禮家貧苦紡績度生足不出戶庭待親族以和三十年如  
一日焉現年五十八歲子國楷已成名而氏猶時加訓誡鄉  
里皆賢之現擬請旌

劉氏文生郭世猷妻年二十四夫歿氏堅貞自矢撫二子成立  
鄧氏武生郭曰吉妻年二十三守節事親孝教子嚴子融峯青

竹谿縣志

卷十一列女

五十四

年食餼皆氏訓誨之力也

謝氏曾作龍妻選拔謝思謙之胞姊也居洵陽嘉慶元年春歸  
寧襄匪至洵夫與全家被害氏在母家聞信痛不欲生兄嫂  
再三勸以撫子承祀爲重始安居母家矢志守節時年甫踰  
二旬撫子步陞步桂成立乃遷居縣南之雙竹園勤儉操持  
家漸饒裕高年八十有四報施不爽此足徵矣

魏氏李德峻妻夫病割肝療之仍卒遺弱孤一氏時年正二十  
五上事孀姑下撫幼子艱辛備歷人無不稱其苦志

張氏諶祖瑩妻夫故氏年二十四矢志守節始終不渝

天保寨破時墜岩盡節者

盧女生員盧東魯女

萬氏吳德富妻

龔氏陳保君妻

袁氏尹文盛妻媳四人與俱

袁氏尹獻貴母

蕭氏尹獻仁妻

談氏尹獻貴妻

洪氏尹獻志妻

羅氏尹獻信妻

徐氏尹獻榮妻

陳氏尹獻富妻

劉氏盧友望妻

李氏蕭先金妻

周氏龔登榜妻

竹谿縣志

卷十一列女

五十五

泰坪寨破殉難婦女

張門傅氏

王門于氏

賀門王氏

賀門周氏

楊門劉氏

賀門劉氏

賀門朱氏

劉門王氏

王門李氏

顏門蕭氏

王門羅氏

蕭門魏氏

吳門蕭氏

羅門王氏

蕭門王氏

戴門田氏